

23 IANUARIE
RUGĂCIUNEA
SOBORULUI SF.KOSTROMEI
МОЛИТВА
собору преподобных отец в земле
Костромской просиявших

О, преславнии отцы земли Костромской в подвизах благочестия благодатно просиявшие! Ублажающе ваше Боголюбивое пустынножизненное, со смирением и воздержанием срастворенное; почитаючи всеощные ваши бдения и слезы умиленные, от молитвенных воздыханий сердечных проистекающия; восхваляючи посты и лишения велиции; Христа и Славы Царствия Его ради вами подъятые; воспеваючи брани ваши мысленныя противу врага спасения душ наших ведомыя и победно от Господа увенчанныя; прославляюще чудеса, в земном вашем житии сущия, и по преставлении душ ваших к миру горнему от святых мощей благодатно проистекающия: молим вас, святии угодници Божии, будите пред Престолом Божиим, присно заступницы и ходатаи, и молитвеннии предстателие нам, ныне всечестную вашу память празднующим, яко Господом сынами Света нареченнии, и со Ангельскими ликами вчиненнии в Царствии Небеснем, идеже

живете веселящися и наслаждаетесь лицезрения
Света Невечерняго Христа, Спасителя нашего,
Емуже подобает всякая слава, честь и
поклонение, со Безначальным Его Отцем и
Пресвятым, и Благим, и Животворящим Духом
ныне, и присно, и во веки веков.
Аминь.